

四庫全書

史部

欽定四庫全書

吏部

湖廣通志卷七十六

詳校官監察御史

臣陳化龍

檢討

臣德生覆勘

總校官知縣

臣

繆琪

校對官學正

臣

常循

謄錄監生

臣

鄧以伊

欽定四庫全書

湖廣通志卷七十六

風俗志

江漢被西岐之化筭路開南國之基其風氣之淳
樸可知也史稱其民喜巫鬼尚淫祀蓋其風至今
猶有存者夫元公倡道二程誕降非楚地與朱子
南軒宦遊講學非楚地與趙復至北方而魯齋諸
人始聞有道學得其書而讀之則躋楚於鄒魯不

難也而綴文者或沾沾於荆楚歲時大隄歌曲豈有當於化民成俗之意哉

武昌府

漢書地理志楚有江漢川澤山林之饒江南地廣或火耕水耨民食魚稻以漁獵山伐為業果蔬羸蛤食物常足故嗇窳偷生而無積聚飲食還給不憂凍餓隋書人多勁悍決烈唐崔郾云土沃民剽圖冊田里小民務農力本五方雜寓家自為俗宋柳拱辰郡守

題名記士以文詞相高有六朝舊體元明善武昌學
記武弛文張民日趨於禮樂之域歐陽玄云俗尚質
樸不事浮華

江夏縣附郭

武昌縣圖經土地磽确人民淳厚火耕水耨以漁稻
為業

嘉魚縣縣志樸素淳雅居民不遠行商農以立本為
業士以有用為榮

蒲圻縣志 戶尚詩書士安誦讀

咸寧縣志 火耕水耨魚稻為業人多勁悍決烈

崇陽縣志 古志舍末務本俗習雅儉

通城縣志 舊志務農力本五方雜處家自為俗

興國州志 元學記民銳於治生怯於私鬪故易為政士
篤於好學恥於浮靡故可語道

大冶縣志 郡志風氣淳厚實為江湖之奧區

通山縣志 舊志士尚剛毅民多樸野

漢陽府

漢書地理志信巫鬼重淫祀宋志民性勁直決烈多
存仁義有歷世不分者皇輿考民淳樸怯於爭訟不
好奢侈有禮讓之風

漢陽縣附郭

漢川縣舊志民樸畧春夏力農秋冬業魚

黃陂縣郡志勤農桑寡遊販駸慕儒術

孝感縣舊志其山聳峻故氣多亢爽其水清折故人

多秀穎

黃州府

隋志俗尚樸質好儉約宋蘇軾跋韓魏公詩山水清
遠風土厚善其民寡求而不爭其士靜而文樸而不
陋尊德樂道異於他邦張耒雜志民有漁稻之利農
惰而田不修闕詠神光觀記蘄西氓俗富庶秀民樂
於為儒而不輕釋其業彬彬喜學有鄒魯遺風秦
觀謝表淮右名區風氣和平爭訟稀少

黃岡縣附郭

蘄水縣郡志善田事勤女紅富人尤多畏法

羅田縣舊志窮巖邃谷無商賈百工方伎之術其力
專務本用亦節儉

麻城縣郡志土風厚善樂於為儒出重名節處尚廉
恥

黃安縣舊志三邑分土俗亦大都近之民多悍獷而
不馴

蘄州舊志務稼穡習詩書而俗侈靡有三吳風

廣濟縣縣志淳龐近古然好氣任俠

黃梅縣郡志民惟力農不事商賈游俠

安陸府

春秋元命苞陽盛物堅其氣急悍晉志敬重鬼神競
渡牽鈎唐劉丹記古風遺事有陽春白雪之美風土
記民俗樸儉其土饒粟麥多麋鹿有西北風氣士多
文雅衣冠整飾圖經地多卑濕人性淳和郡志民質

直少文以漁畧耕耨為業而少積聚

鍾祥縣附郭

京山縣郡志地遠多山泉民引泉為機堰水為業

潛江縣郡志百姓勤於本業士尚文藝

沔陽州舊志民以耕漁為業荏葦之數多盜

天門縣陸羽自傳風俗之美無出吾國

荊門州郡志俗尚緇黃自陸九淵知軍事風俗丕變

頗知禮義

當陽縣舊志事簡俗樸勤農尚儉

德安府

宋滕元發啓士民純秀幾同鄒魯之風周必大芟堂
記土風醇厚其士多秀傑其民多隱德李元衡學田
記地多磽瘠貨殖不饒惟俗喜儒學近世名流相望
而起范雍詩民淳詞訟少務簡官政優

安陸縣附郭

雲夢縣舊志習俗知遵禮法閑家有則婦女無復江

漢游冶之風

應城縣郡志其性固其俗醇男不經商女惟絰織
隨州郡志井閭沕穆戶游黨塾頗有古道之遺

應山縣元魯璫與碑其民秀而文其俗樸而儉

荊州府

方輿勝覽江陵衣冠數澤史記西楚勁直地薄寡積
漢書有江漢之饒春夏力農秋冬業漁少積聚信卜
筮荊州記郡少農桑農不如工工不如商元志民質

直好義不事誇詐宋大觀中學記養士至七百人學
校之盛甲於荆湖舊志士習謹厚民情淳樸敬鬼重
祠輿圖極衝疲多水患

江陵縣附郭

公安縣舊志好鬼神尚勁悍知恥負氣布種最早
石首縣郡志民淳厚樸野業耕漁不趨商賈

監利縣舊志士多好學民勤於農桑網畧田低多水
患

松滋縣郡志俗淳而雅樸者樂耕織秀者喜絃誦
枝江縣元志質直好義不事誇詐

夷陵州舊志西陵名教之區民俗儉樸山田磽确十
年一佃

宜都縣郡志俗尚儉約士知學問敦好禮義

遠安縣郡志士尚廉恥而厭奔競民務農桑而禁賭
博庶幾太古遺風

襄陽府

晉庾翼記土沃田良圖志其民尚文其俗多侈隋志
襄陽四方湊會多衣冠之緒稍尚禮義經籍晏殊類
要俗好楚歌范子良郡縣志勁悍決烈兼秦楚之俗
襄陽縣附郭

宜城縣方輿要覽其俗樸陋其人勁悍

南漳縣郡志男女以耕桑為業田舍小子亦頗知書
里鄰婚葬相助尤為近古

棗陽縣郡志人性鯁直詞訟少興

穀城縣漢書子弟多興於學猶有先王之遺風

光化縣方輿要覽其俗樸陋政尚忠直

均州地理志士皆好學敦尚禮義

鄖陽府

古志民多秦音俗尚楚歌務農少學流寓雜處廣興
圖土薄民淳皇輿考昔多勁悍決烈之習近知禮義
廉恥之風楚紀民好戰尚鬼猶有麋之風府志人民
樸野公庭無事燒畬績麻信鬼不藥

鄖縣附郭

房縣舊志俗尚淳樸士亦問學

鄖西縣郡志四方寓處純梗相半邇則人知向學有
文物之風

竹山縣舊志俗尚儉樸頗知禮義男務耕讀女務紡
織

竹谿縣舊志民務農而少學邇來風氣漸開咸知務
本積學儒風日盛

保康縣郡志地險土瘠墾山為田喪祭不用浮屠

直隸歸州

州舊志耕讀漁樵相半少商賈鮮積蓄興圖山衝狡悍

長陽縣舊志風氣淳樸民俗野陋

巴東縣縣志人多勁悍刀耕火種信鬼尚巫

興山縣舊志地僻山峻訟簡民淳

恩施縣舊志民雜獐獠俗尚節儉猶近華風

長沙府

南齊書州郡志湘川之興人豐土閒湘中記人多純
樸士少宦情唐張謂風土碑式鄧粲之宅可以厚儒
風表古初之間足以敦素行齊魯之俗其何遠哉宋
史地理志有材木茗荈之饒金鐵羽毛之利其土宜
穀稻賦入稍多而表吉壤接其民往往遷徙自占深
耕溉種率致富饒元志漸被胡文定春秋之學而士
習好文向慕譚世勣忠節之風而鄉俗尚義學者勤

於禮耕者勤於力故雖無甚富亦無甚貧明一統志
其民樸而淳其性決烈而勁直火耕水耨漁獵山伐
人多高年士無奔競退恬於世利有張司空之遺風
焉

長沙縣附郭

善化縣附郭

湘潭縣傳邦相舊志跋人材輻輳習尚矜名縉紳有
以文章忠孝傳者逮至編氓多自好焉

湘陰縣舊志在野者耕近湖者漁士多讀書循禮

湘鄉縣蘇佳嗣湘鄉風俗論文而不浮靜而不媮樸而不陋

醴陵縣徐一鳴鄉賢祠碑風氣純樸文物希簡

攸縣張潛大觀樓記衣冠如鱗絃誦有聲

益陽縣元志有關羽魯肅之遺跡故其俗多慷慨尚節

瀏陽縣蔣擢義學記宋楊龜山令瀏後風移俗易頗

稱文雅之鄉

寧鄉縣張治遺愛碑記士文而腴質而理

安化縣宋吳致堯集利仁樂義以趨華風

茶陵州元趙天弼進士題名記風俗醇雅學子尚經

術說古文章

衡州府

寰宇記有舜之遺風人多淳樸輿地志地僻民淳事簡易治宋文天祥集衡之民務本而勤力衣食其耕

桑儉而不泰風氣淳厚函史民豐土閑俗尚農桑畏
法少訟舊志安土重遷不能逐什一之利終歲勤動
退而食其土之毛公家之賦亦取足其中以故閭里
絕無高貲富人

衡陽縣附郭

衡山縣劉三吾茹氏譜序南軒道學之傳衡山遂為
小洙泗

耒陽縣劉宦縣令題名記士耽學尚禮氓積漸逐末

馳驚於侈靡

常寧縣舊志士貧而誦讀不衰民喬而樸

安仁縣伍讓學記山川秀傑安仁為尤勝故魁人傑士往往出其間

鄱縣舊志俗尚質樸以耕織為業不事商販

桂陽州宋陳傳良集桂陽之民雖貧而有常產父子孫兄弟多族居或至百口蓋其俗樸近古然也

臨武縣元方大任學田記質而好文直而尚義

藍山縣鄭夢坤夔廟記士不傷靡民猶近古

嘉禾縣湯學尹志剛勁樸陋信巫鬼務耕種

永州府

唐劉禹錫集瀟湘間無土山無濁水民秉是氣往往
清慧而文曹仲永州謝表家嫻禮義而化易乎地足
漁樵而人樂業柳宗元集俗尚鬼而難喻宋掌禹錫
郡守設廳記俗兼蠻左砮麻偷生而務農成業虞帝
陟方之後始為福壤揚萬里種愛堂記山川木石之

奇生其間者多秀民其人士行義文學駿發而焯著
視中州無所與遜舊志民樂耕漁士習絃誦不愧有虞
氏過化之鄉

零陵縣附郭

祁陽縣林士標志山川靈秀代有俊民然俗侈人競
東安縣姚弘謨學記荒垆隙壤駢駢皆絃歌聲

道州宋郭汾進士題名記舂陵漸有虞之化習俗樸
古感薛伯高之教文儒世振雖繩樞甕牖知所向慕

苟衣食自足者皆推其餘以督義方故方領矩步比
他郡為盛異時濂溪先生以德行道義為儒者師伊
洛之學蓋其出焉

寧遠縣郭崇嗣書院記雍雍禮讓之風

永明縣陳薦舊志序俗厚本而近古士矜名節而秉
禮義

江華縣元李瑞縉題名記地靈人傑多萃和順英華
之士

新田縣黃中通學記其俗剛武而好競

寶慶府

圖經地接谿峒其俗好勇尚儉都梁記風俗陋儉獄
訟稀聞邵陽志序其人尚氣而貴信喜直而惡欺節
儉而不奢樸厚而不能明一統志僻在萬山其民團
聚胡文煥風土志雖近夷方地僻事簡黎淳學記江
山清淑融液扶輿學者談詩書履仁義自相約束於
規矩其游歌辟雍者皆知以礪行檢身勤職為務

邵陽縣附郭

新化縣劉顯惠政記新化梅山故區其俗儉士習有

古風

城步縣元趙長翁書院記知書尚義民俗質樸

武岡州宋文天祥集雖民犇雜處而好禮尚義

新寧縣元張圖南學記風淳俗儉士皆佩服經訓揖

讓有儀

岳州府

宋胡寅學記挾湖山之勝長材秀民多出其間廣興
圖岳州俗尚義好文有屈原遺風刀耕火種網罟為
業士大夫尚廉節處膏不潤自昔然也岳陽風土記
巴陵華容間婦人習男事生男贅婿為婦家承門戶
歲時會集禱祠擊鼓男女踏歌謂之歌場疾病不醫
灼龜打瓦或以鷄卜明一統志人性悍直士尚行義
舊志俗尚淳樸不事華靡士大夫里居不涉郡縣其
城市逐末之地邇者亦有儒風清異錄云巴陵陳氏

累世孝謹鄉里以慈鴉目之謂鴉反哺也

巴陵縣附郭

臨湘縣舊志序表裏江湖風氣愿塞

平江縣宋葉通記趨善避惡湖外首稱

華容縣岳陽風土記華容面湖夏秋霖潦即被水患

中民之產不過五十緡漁舟為業者十之四五故云

士謹行而好文民儉樸而興讓

常德府

武陵記人氣和平多淳樸少宦情有虞夏遺風楚詞
九歌注沅湘之間其俗尚鬼而好祀其祀必使巫覡
宋鍾蜚英學記常武為守節禮義之國元志居民務
本勤於耕織自崇觀以來製錦繡為業其色鮮明不
在成都錦官下函吏民以漁獵山伐為業舊志地與
苗峒相接無推魯悍桀之習大江嚙城舳艫帆檝時
上下商賈所聚百貨輳集人語歡聲輒喧午夜安樂
故土憚於行役竭耕桑之勞習網罟之利舊稱魚米

之鄉良有以也

武陵縣附郭

桃源縣王海鎮節賦武陵桃源是謂有常之域

龍陽縣胡文煥風土志簡淳有水患

沅江縣舊志湖汊為居網罟是利

辰州府

隋書地理志嗜好居處頗與巴渝同俗圖經州介山谿俗雜蠻獠以刀耕火種為業寰宇記矜重名教敦

尚典型風土記信巫鬼重淫祀少關訟寡盜賊元張
圖南學記邑里椎結相先後言嗚呼不可辨然人多
善良以儒稱者未嘗不談經訓知古今事明一統志
居城市者衣服言語皆華人而山谷間頗雜以徭俗
舊志辰郡山多田少民性淳樸山谷間至有皓首不
識官府者邇來士大夫之家攻詩書敦行古禮
沅陵縣附郭

瀘溪縣舊志民尚淳樸向學守禮猶有古遺風

辰谿縣後漢書宋均傳辰陽俗少學者而信巫鬼

淑浦縣舊志男事耕耘女勤紡織

沅州舊志敦古秉禮力本務穡

黔陽縣宋翁永平縣治記風氣樸靜人士秀發

麻陽縣戴敏石城記民生無異業率作力農衣食不

假外求

永順府

通典溪州土地與辰州同函史古辰溪之地漁獵養

生明一統志土民服五色斑衣不曉文字刻木為契
短裙椎髻常帶刀弩

永順縣附郭

龍山縣圖說民多樸直畏官怯訟服疇力穡男女合
伴

保靖縣明一統志土民服花衣耕種為業

桑植縣李遇時桑植司志盤瓠之裔漸知禮節

直隸澧州

唐元微之集澧有屈原遺風澧陽志舊屬楚為黔中地至今有楚遺風胡文煥風土志地饒民淳龔暹志稻田繡錯桑塢風清山牧歌恬江漁響答士樸民淳男貞女淑以故忠孝節義端方爾雅之風傳藝林者澧稱盛云

安鄉縣李遇時志安鄉希文讀書地風軌尚存其民敦本務穡無甚富甚貧

石門縣舊志俗尚儉約民務耕種

慈利縣元余闕書院記其小人服禮以事上其君子
力學以待用

安福縣孫雲夢九永風俗記人啜茗粥著山屐其地
植棉者少布多以麻

直隸郴州

後漢書許荆傳風俗脆薄唐韓愈集郴之為州當中
州清淑之氣蜿蜒扶輿磅礴而鬱積其水土之所生
神氣之所感白金水銀丹砂石英鍾乳橘柚之包竹

箭之美千尋之名材不能獨當也意必有魁奇忠信材德之民生其間宋伯潛社壇記俗愿樸而勁桂陽郡志淳樸近古舊志尚禮義學有師承

永興縣舊志山深地僻鮮知禮義

宜章縣陸九淵學記淳愿忠樸顛蒙悍勁而不能為欺詐

興寧縣陳邦器圖說壤沃水駛夙饒稼穡

桂陽縣舊志士農務本俗樸易治

桂東縣王敬賓學記賦敦樸之氣無紛華靡麗以鑿其天真

直隸靖州

圖經其要約以木鐵為契其樂器有愁笛壺笙宋魏了翁集風土不惡民俗亦淳又靖之民不知有紛華之悅故寡欲易足郊人猶有大布之冠者宋汪藻靖州記與蠻壤犬牙歲久聲教所覃去推髻之習而飾冠巾轉侏僂之音而通字畫奉官吏約束一如中州

會同縣風土志 苗夷雜處簡僻易治

通道縣舊志 火耕水耨不事商賈業

綏寧縣舊志 俗勤耕織多栽種雖富不學奢

湖廣通志卷七十六

欽定四庫全書

湖廣通志卷七十七

古蹟志

寺觀附

古稱三不朽蹟其微者也然歷千百年未湮則亦附是三者以傳焉楚地蘭臺冠蓋君臣之蹟也峴首名宦蹟也玉米田蹟以忠顯也靈竹院刻木谷孝子蹟也雙鳳亭兄弟蹟也漸臺榴花塔夫人城烈女孝婦賢媛蹟也宋王麗公諸葛杜甫之宅鄉

賢蹟也浩然亭仲宣樓蹟以人名爾雅臺文選樓
蹟以書名者也岳陽黃鶴仙蹟也月巖曾臺石鼓
嶽麓則又大儒之所游息者也德功言三者必居
一焉類而錄之夫非好古之一助哉而二氏之宮
亦附於此

武昌府

江夏縣

夏口城在縣西黃鵠山荊州圖記江夏郡所治其西

南角因磯為高墉枕流上則迴眺山川下則激浪崎
嶇是曰黃鵠磯水經注魏黃初二年孫權所築依山
傍江開勢明遠憑墉藉阻高觀枕流對岸則入沔津
故城以夏口為名劉宋順帝時柳世隆等守之沈攸
之攻之不克梁末陳初周將史寧為土山長梯攻之
不能破黃巢之亂止陷外郭蓋其城依山負險周迴
不過二三里乃知古人築城欲堅不欲廣也

汝南城在縣南塗口宋書地理志汝南侯相本沙羨

土晉末汝南郡民流寓夏口因立為汝南縣

郢城在黃鵠山劉宋郢州治此南史紀梁武帝自襄陽起兵攻郢城夜見數百毛人踰堞且泣因投黃鵠磯蓋城之精也及旦城降

曹公城在縣東北二里梁武帝起義兵遣曹景宗築曲水城梁書武帝紀高祖命王世興頓曲水故城即此

萬人敵城在黃鵠山頂舊有城宋建炎間草寇犯城

郡守命其上以彊弩射之寇退因名

楚王故宮舊志在高觀山下前臨大朝街甃石為城
內二山東曰紫金西曰梅山明季兵燹殿寢池館俱
廢所傳舊制僅正陽端禮東華西華後宰諸門及梳
粧臺

延福宮在楚府左三里許天啓時墾得一玉蟾徑五
尺長一丈三足一夕忽遁墻外復移殿左墀中至今
存

稽古閣在府學內宋紹興間教授許中應建藏紹興石經兩朝宸翰又取板本九經諸史百氏列置其旁朱文公有記

湧月臺在黃鶴樓旁有石刻湧月二字相傳漢曹孟德遺筆

郊天臺在縣東磨兒山漢昭烈祭天於此

靜春臺在舊通判廳即江漢樓故址

龍床臺一名鳳凰窩在高觀山第一峯明太祖駐旌

受降碎鏤金床處

焦度樓在縣東南子城上南史宋明帝時度為武陵王贊參軍沈攸之起兵至夏口度於城樓上辱罵攸之怒攻城度力戰攸之與眾蒙楯將登度投以穢器敵不能冒後遂呼為焦度樓

黃鶴樓在黃鵠磯上南齊書仙人子安乘黃鵠過此又世傳費文禕登仙駕鶴憩此唐閻伯理作記以文禕事為信按述異記荀懷宇叔禕憩樓上西望有物

飄然降自雲端乃駕鶴之賓也賓主歡對辭去跨鶴
騰空渺然煙滅後人誤為文禕也宋張拭亦辨其非
唐崔顥有詩南樓在黃鵠山頂一名白雲樓宋陸游
記樓在郡儀門之南石城上一曰黃鶴山制度閎偉
登望尤勝鄂州樓觀為多而此獨得江山之要會山
谷所謂江東湖北行畫圖鄂州南樓天下無是也

和豐樓在縣東南舊名南樓宋淳熙間燬總管劉邦
翰重建改今名

楚樓在平湖門外宋紹熙間建

雄楚樓在舊撫院後明季兵燬康熙間布政司徐惺
重建枯樹再榮

讀書堂在縣南三十里李白讀書處又頭陀寺有皮
日休讀書堂

奇章堂在布政司署即古楚觀樓舊趾宋知州陳邦
光建初名戲綵堂後知州汪叔詹夢前身為奇章公
改名又黃鵠山有奇章亭奇章公牛僧孺也

四賢堂在府學宋嘉定間教授石繼諭建祀周子二
程子朱子黃幹有記

呂仙亭在黃鵠山即仙棗亭遺址明景泰四年重建
舊傳亭前棗木未嘗實一歲忽有實如瓜太守命小
吏採進吏私啖之遂仙去又傳太守與倅奕有仙人
忽至云太守奕敗果然仙於樓前吹笛隨笛聲至樓
上跡之唯見石鏡題詩末書呂字故今名呂仙亭

江漢亭在府倅廳宋張栻倅記張芸叟南遷錄云鄂

倅公宇因古城作亭榭俯瞰江漢景物最秀

曲水亭在布政司東北又有喬木等亭即古所謂楚望平崖亭在布政司署宋李燾記并設張詠像於內壓雲亭在黃鵠山椒舊為頭陀寺頂院元世祖至鄂嘗駐此觀覽形勝至正間建亭

封建亭明一統志在南門外明太祖平江夏駐蹕於此適報第六皇子生謂他日當封楚王後果然

呂洞賓仙跡一在黃鵠磯石壁上遺像宛然一在紫

金山西石壁上卧跡尚存竝有洞賓仙跡四字鑱石
西爽二字在黃鶴樓後西巖石壁上又有靜春臺讀
書臺石刻

元御書碑在府學元至順間御書遠志萬里歸程六
字二碑刻歐陽元為贊

古無影塔黃鵠磯石上

岳柏在大東門外鄂王廟墀左圍可三尺枝幹疎老
不繁人號為獨柏每值辰戌丑未年楚士有掇巍科

者柏預吐一奇技

武昌縣

鄂王城在縣西南二里史記楚世家熊渠封中子紅於鄂即此城

吳王城在縣東本漢灌嬰所築晉陶侃為刺史理其地又相傳孫吳故宮城遺趾今宮城前有御溝內有廟唐劉長卿詩宋張耒詩皆同此說

黃石城在縣東江表傳劉勲走入樊口聞皖已沒及

西塞將兵救皖為孫權所破遂奔曹公即此城

鄂縣故城水經注右岸有鄂縣故城蓋舊樊楚也

郊天壇在縣西山郊壇岡又名即位壇水經注吳主孫權即位告天於此

南郊壇在縣南孫權郊天之所

安樂宮在縣東吳王城中明一統志吳黃龍間徙都建業赤烏中始移武昌舊傳宮瓦皆澄泥為之可以作硯

避暑宮在寒溪上相傳吳王避暑於此即西山寺基
至今無暑氣宋王伯虎詩聞說吳王避暑宮滿山六
月絳紗紅

太極殿在安樂宮前蓋吳宮正殿

松風閣在西山寺寺舊有松林盛茂黃庭堅自黃州
遊西山愛之因名

釣臺在縣北門外大江中吳志孫權於武昌臨釣臺
飲酒大醉使人以酒灑羣臣面曰今日飲惟醉墮臺

下乃止耳張昭諫之遂罷酒謝朓蔣之奇俱有詩

鳳凰臺在虎頭山吳王因鳳凰見築臺於此周瑜魯肅以定建都之計今廢

南樓即今縣城樓九江錄庾亮鎮武昌諸佐吏殷浩輩乘秋夜登高樓亮至衆將避之亮曰老子於此興復不淺便坐談詠至今名庾公樓

東坡讀書堂在寒溪山

殊亭在縣後山巔唐令馬珣建元結作記取其才殊

人殊行殊迹殊此亭又殊命曰殊亭記後有詩

廣晏亭在樊山唐廣德中樊口津吏欲為候舍元結
驗之圖記以為故孫吳晏遊地乃諭縣令馬珣為亭
取謝朓樊山開廣晏之句以名結為記

怡亭在殊亭東唐裴鷗作宋蔣之奇云怡亭銘刻於
江濱巨石上乃唐李陽冰篆李莒八分書裴虬為銘
世謂三絕

九曲亭在九曲嶺下蘇軾記子瞻適西山行於松柏

之間羊腸九曲而獲少平有廢亭遺址甚狹其旁古木數十大皆百圍千尺不可加以斧斤一旦大風雷雨拔去其一予瞻笑曰茲欲以成吾亭耶亭建而西山之勝始具

解劍亭在縣東北通淮門外江次與五洲相對齊安拾遺謂伍員渡江解劍謝漁父於此

陶侃宅在縣西內有黑石中坳如搏狀唐孟什源命為杯搏

武昌西門晉書陶侃傳侃鎮武昌課種柳都尉夜盜
柳為已種侃問西門柳何以盜種尉驚謝罪即此地
劉禹錫詩一辭溫室樹幾見武昌柳孟浩然詩行看
武昌柳彷彿映樓臺宋李易詩官柳不知興廢事春
來還是綠纖纖

瓜圻在縣西五十里吳王種瓜於此

蠻市土俗編晉西陽有豫川五水蠻陶侃為武昌太
守作蠻市於吳城東為交易之所大獲其利

嘉魚縣

呂蒙城在石頭口孫權征零陵時築

岳公城在縣東北岳飛征楊么於此築城屯兵

祭風臺在赤壁山下世傳諸葛亮祭風之處

蒲圻縣

太平城在縣西南八十里孫權遣魯肅征零陵於此

築城

舜帝廟碑縣治有斷碑載二妃事字漫滅不可考

咸寧縣

李邕讀書堂在鍾臺山

馮京讀書堂在潛山

崇陽縣

葛仙壇在縣北葛仙山上壇西有清泉歲旱環數百里來禱挹杯杓以去則陰雨隨之

美美亭在上津臺頂張詠建傍有春谷園

通城縣

子磐幕在縣東南幕阜山巔吳太史慈拒劉表從子磐於此置營幕

興國州

子胥城在州東六十里俗傳子胥所築即永興故城
廢奉新縣在州西南百二十里吳置隋廢入富川縣
廢安昌縣在州西北九十里梁置隋併入富川縣
廢富川縣在州西南五十里隋書地理志陳陽新縣
平陳改曰富川開皇十一年廢

懷坡閣在縣東瀕湖宋元豐間蘇軾自黃來訪李仲覽留其家久之覽登第後因置此閣畫東坡像於上王十朋過之為賦懷東坡詩

疊山書堂在州東湖隄上謝枋得寓此著書人稱其地曰謝公墩

滄浪亭在州治後放生池上蓮花彌望夾隄皆垂柳羣山環列有浮圖突兀在雲烟紫翠間舊稱江山之勝頗似武林西湖王十朋詩荷有香能凝燕寢纓無塵

可濯滄浪

大冶縣

釣臺在道士泐磯上斷岩千仞小洞臨江相傳張志和釣魚處

通山縣

平崖讀書堂在縣南三十里張詠號平崖令崇陽築室於此扁曰休心其址及釣月臺猶存

漢陽府

漢陽縣

卻月城在縣北七里寰宇記與梁城相對以形如卻月故名舊傳黃祖所守處水經注沔左有卻月城然亦曰偃月疊戴監軍纂故曲陵縣也後乃沙羨縣治昔魏將黃祖所守遣董襲凌統攻而擒之禰衡亦遇害於此

梁城在縣東北梁書武帝紀帝自襄陽趨建業遣冠軍將軍鄧元起軍主王世興田安等數千人會大軍

於夏口築漢口城以守魯山今大別頂橫城即其舊基

蕭公城在縣北五里梁武帝築城戍兵於此故名

馬騎城荊州記郤月城西一里周迴五里高一丈今長棚岡即其故址

漢陰城在縣西四十五里因漢陰山而名未詳所始
廢沌陽縣在縣西六十里臨嶂山下宋書地理志沌
陽子相江左置後廢

廢澠陽縣在縣北四十里晉書朱伺傳張昌敗走澠
上伺攻滅之求別立縣因割安陸東界為澠陽縣
鳳棲閣在鳳棲山唐建宋知軍劉辟疆有記

晴川閣在城東五里明建以崔顥句得名明袁宏道
楚四樓詠引晴川閣與黃鶴樓分岸立盡會城之山
川林數朱門繡陌若為之設色者亦奇觀也

三山閣在縣北遠對三峯故名

仁風臺在秋興亭東舊有臺號曰寥廓宋知軍蔡純

臣更其名曰仁風久廢

漢廣臺在縣西宋時郡僚蒞事之所遺址尚存

三峰臺在漢南山

秋興亭在鳳棲山巔唐賈至記刺史賈載建宋元祐初郡守吳處厚新之明景泰四年重修

雙松亭在秋興亭東唐李白將遊衡岳過漢陽嘗於此地別族弟浮屠法浩有詩

清光亭在郎官湖上本名郎官亭宋咸淳間改今名

湧月亭在鳳棲山上宋黃清老建今巨石上有湧月

二字

烟波亭在烟波灣

楚波亭在吳王磯上

春風樓在縣西宋知軍胡介在任政和民安乃建樓
標曰熙春後守徐安民更名春風元陳益稷又改名
拱北今廢

南紀樓在縣治宋蔡純臣重修今改建為南紀門樓

白雲樓即府前門樓唐李羣玉有詩

太白樓在城北十里唐李羣玉有詩

鎖穴在大別山陰按漢董襲傳孫權征黃祖祖乃於
大江中橫兩艨衝挾守沔口以拼櫓大紲繫石為碇
又晉書王濬傳晉伐吳吳人於磧險要害處皆以鐵
鎖橫截之故名今山陰二處石穴俱存

鐵錢監在大別山下地名靜江營宋知軍皇甫煥奉
命鼓鑄於此

石榴花塢在城西一里宋史五行志有孝婦殺雞奉
姑姑食雞而死姑女訴於官婦坐罪無以自明臨刑
折榴花一枝挿地祝曰妾若毒姑花即枯瘁若屬誣
枉花可復生其後花果生時人謂天彰其寃遂立塢
花側以表其事

古柏在晴川樓側

漢川縣

甌山城在縣東南十里晉朱伺與李橫杜曾相持甌

山下築城戍守故名隋書地理志後周置甌山縣治此

和公城在縣東北十七里周所築隋末賊董道冲起和操領兵捍此城故名

梁褒城在縣南五里周宣政中築土人梁褒主之故名

郝城在縣南十五里

廢汧川縣在縣界唐書地理志武德四年析漢陽置

宋改曰漢川

寶花臺明一統志在縣西南五里上有雷使君廟

黃陂縣

石陽城在縣北十五里吳征江夏圍石陽不克而還
即此

安昌城在縣北十五里元和郡縣志齊高帝築以捍
陳寇隋書地理志黃陂有安昌郡開皇初廢

冶城在縣東南二十五里梁武為刺史治兵器於此

今火跡猶存

南司州在縣北獨家村北齊置後周改曰黃州隋廢
唐書地理志武德三年以縣置南司州七年廢蘇軾
云五年一夢南司川謂此

雙鳳亭在縣東即二程讀書處後人慕之作此亭

思賢堂在縣治尉廳宋邑人建以思程珦及其子顥
頤

石柱在縣治西縣舊無公署遷徙靡常宋嘉定三年

縣簿應行之始遷今治劉侯代秋礮石柱以記其事

孝感縣

汝南城古吉陽縣地隋書地理志梁立汝南郡西魏改郡曰董城尋廢

義陽城在縣北百里隋書地理志梁置西魏改為南司州尋廢

廢潁岳郡在縣西隋書地理志西魏置開皇初廢三軍臺在縣東十里

讀書臺明一統志在縣東董湖西南宋二程讀書處
地名程子巷縣志二程祖名適令黃陂時娶於孝感
張氏生珦珦生二程常遊孝感攬勝者以程臺夜月
為八景之一

昇仙臺在董家湖昔織女昇仙處

歲豐樓在橫樂鄉

東坡亭在縣東五十里東坡謫黃州憩此

堯夫亭在九巖山范純仁字堯夫倅安州嘗宴客於

此後人因建此亭

小隱菴在白雲山元察罕隱居處

西湖村在縣西九十里方輿勝覽宋太祖微時嘗索酒村姥家姥持酒以進言權禁甚嚴此私釀幸密之與金不受後太祖登極特寬西湖酒禁

東湖村在縣東宋徽宗時村農視夜有光燭天聞之於官掘地得周時九鼎貢於朝左傳楚子問鼎疑遷楚地

黃州府

黃岡縣

邾城在縣西北百二十里地道記楚宣王滅邾俘其
民徙其君居此城水經注漢高帝三年項羽封吳芮
為衡山王都此吳赤烏二年陸遜築城今遺址尚存
名舊州城明劉基有詩

永安城在縣北即楚黃歇所都隋書地理志舊置永
安郡開皇初廢或謂楚王以此封其女名女王城又名

呂王城城中土堆甚多蘇軾有詩

西陽城水經江水又東逕西陽郡南郡治即西陽縣也注晉書地道記以為弦子國

大活城在縣北二百三十五里隋唐於此建大活關按唐書地理志大活關在黃陂縣

木蘭廢縣在縣西隋書地理志梁置梁安郡後齊置湘州後改為北江州開皇初別置廩城縣尋州郡俱廢又八年改縣曰木蘭唐書地理志武德二年省入

黃岡

定惠院在縣東蘇軾遊記黃州定惠院東小山上有
海棠一株特繁茂每歲盛開必攜客置酒醉其下又
手書開嘯二字勒石下有快哉亭前有海棠軒後有
洗墨池又有捫腹軒睡足堂文忠祠今俱廢

高寒樓在縣東唐太和中劉應之築四望亭於郡西
南高阜李紳為記蘇軾有步至四望亭魚池上詩張
激攝今日更今名取杜甫詩玉山高竝兩峯寒之義

竹樓在縣西南城上宋郡守王禹偁建有記

月波樓在縣西北城上王禹偁建今改為漢川門

棲霞樓在縣西南宋李顯守黃州時建坐挹江山之
勝孫載詩地據淮西盡江吞石壁寬又蘇軾詩云黃
州在何許與子上棲霞

涵輝樓在縣內韓琦詩臨江三四樓次第壓城首山
光徧軒楹波影撼窻牖張安國取赤壁賦中語大書
其榜曰無盡藏樓後又有坐嘯堂及無倦味道二齋

瑞慶堂在清源門外王禹偁建按陸游東坡記堂為故相所生之地後毀以新棲霞樓

睡足堂明一統志王禹偁建取杜牧詩平生睡足處雲夢澤南州之義

雪堂在縣東蘇軾雪堂記蘇子得廢園於東坡之脅築而垣之作堂焉號曰雪堂以大雪中為因繪雪於四壁之間故名

相隱堂在舊司理廳宋龐籍嘗為司理後人為建此

堂

讀書堂在城外安國寺韓琦讀書處

一枝堂宋建前有大梅樹取一枝向暖之義

寒碧堂在東門外宋有何氏弟兄作此堂以待蘇軾之至軾為畫竹石且賦詩

如畫亭在縣東王禹偁建蘇軾詞望江山如畫故名
會遠亭在縣北王禹偁建

覽春亭在縣南宋韓琦建作詩序又建春草亭於東

門外

遺愛亭在縣南宋元豐時徐猷為守有善政既去民
建此亭蘇轍因名之

快哉亭在縣南蘇轍記清河張君夢得謫居齊安即
其廬之西為亭以覽觀江流之勝余兄子瞻名之曰
快哉

橫江館在赤嶼山南晉龍驤將軍蒯恩建杜牧有詩
臨臯館在縣南原名亭後改為館蘇軾間題臨臯亭

下八十數步便是大江江風山月本無常主閒者便是主人又詩云臨臯亭中一危坐三越清明改新火西隩在縣西南二里宋夏竦守黃州鑿水入陂以藏舟故名

東坡故居在縣東宋陸游東坡記自州門而東岡壟高下至東坡則地勢平曠開豁東起一壟頗高有屋三間曰居士亭

蘄水縣

迴瀾亭在縣南蘭溪岸蘇軾過此見水盤旋書二字於石壁後人立亭

壘嶂亭蘇軾所名流光亭石上有泝流光三字

筆沼俗名洗筆池在縣東清泉寺世傳晉王羲之洗筆於此

羅田縣

義州隋書地理志梁置義州義城郡開皇初竝廢其址在今奉泰鄉魁山下元遷今治

鳳凰臺在縣西三十里相傳有鳳棲其上旁環高山
下臨深谷俗呼爲釣魚臺

仙女臺在縣西世傳有仙女於此禱雨故名

孝子里在縣西北元吳大中所居

麻城縣

岐亭廢縣見九域志

白雲臺在縣北十五里麻姑洞前

桃花塢在七里橋瀕河數百畝皆植桃花今廢

萬松亭在縣西百里宋邑令張毅夾道植松萬株立亭其中蘇軾有詩

杏花村在岐亭有杏林杏泉陳慥隱居處旁為蘇步橋

桃黃菴在岐亭鎮蘇軾記有王翊者得雄黃於挑核內吞之甚甘自是斷葷肉翊有菴名桃黃自號挑黃山人

香草園在縣東五十里俗傳嘉靖間兩見白鹿

立浪園在石牛冲堰北松谷中曹應昌構

黃安縣

釣臺在縣南七里磯距溪上明耿定理置一時名宿
嘗寓其中

蘄州

江夏城類要晉江夏王綽

涵輝閣在子城上宋郭祥正詩天垂星斗數尋近地
捲雲山千里來水壺倒影露華洗玉寶溶雪蟾光頽

蘇軾在黃州客有道閣之勝而誦其賦霽容天在水
春態柳藏橋之句軾欣然為以色易態

仙人臺在州東百六十里大桴山巔舊傳劉五劉六
兩真人飛昇之地其山有九十九峯

鳳凰臺在州北鳳凰山下相傳羅仙飛昇處

煙霏樓 見山樓俱在舊蘄春縣圃內

豈弟堂 忠恕堂 安民堂俱在州城內宋建又有
思政貴簡雙桂雙蓮四堂皆宋時建

環翠亭在子城上宋時建

四見亭原在舊治白雲山宋范純仁建後遷今治移於麒麟山陰久廢

康茂才宅在青山上鄉

廣濟縣

樊噲城在武山湖濱世傳高祖命噲征九江王黥布築此屯兵

黃牛院在縣東衝山景臬談卜築處

鮑照讀書臺在東衝第一峯

環翠樓在縣北玉枕山下

四高樓在縣西門外下植梅千樹

生春堂在縣東宋建

石牛在縣西二十里元姚楚山有詩

黃梅縣

九江城在縣西南七十里九江王黼布所築

南晉州唐書地理志武德四年以縣置南晉州又折

置義豐長吉塘陽新蔡四縣尋廢

俊逸亭在鮑照墓前取杜甫詩俊逸鮑參軍之意

太子驛在縣南七十里舊傳梁武帝於此得子故名

安陸府

鍾祥縣

竟陵故城在縣南漢為縣屬江夏郡後廢

漢城在縣南七十里濱漢江舊傳關忠義嘗屯兵於此

石城即縣西城水經注城因山為固晉太傅羊祜鎮
荊州立惠帝元康九年分江夏四部治此明初築城
浚池以為城垣唐鄭谷詩石城昔為莫愁鄉莫愁魂
散石城荒江人依舊擢舴艋江岸還飛雙鴛鴦

長壽廢縣在縣東南郭內晉書元康初立西魏分屬
安州唐於縣置郢州今省元祐宮即其故址

放鷹臺有二一在縣南五十里蘄澤間四邊空濶極
目無際一在荊門州北百二十里相傳皆楚昭王放鷹

之處

蘭臺在縣治東昔楚王與宋玉遊於臺上披襟當風
即此

梅臺在縣東相傳漢梅福所築

子胥臺在城北伍員入楚屯兵於此

白雪樓在石城下臨漢江取陽春白雪為名

楚望樓在縣城內舊與廣盈倉對

五客堂在白雪樓後宋李昉守郡時畫五禽於壁間

鶴曰仙客孔雀曰南客鸚鵡曰西客鷺鷥曰雪客白
鷗曰閒客

陽春亭在府通判廳與白雪樓相望

解珮亭在縣北十里漢江濱列仙傳江妃二女遊於
江濱逢鄭交甫遂解珮與之交甫受珮而去數十步
懷中無珮女亦不見即此處旁有漢臯亭宋孔彞詩
蒼茫遺珮憐交甫零落清歌送莫愁

孟亭在白雪樓側唐皮日休記王右丞筆先生於郢

之亭滎陽鄭公誠刺是州先是亭之名取先生之諱
公曰焉有賢者之名為趨廝走養言於刺史前耶命
易之以姓為孟亭

寶香亭在縣龍興寺北蘭臺之西皮日休有記

莫愁村在縣治漢江西相傳盧家有女子名莫愁善
歌唱後入楚王宮因以名村宋項安世詩冉冉水上
雲曾聽屈宋鳴娟娟水中月曾照莫愁行王璜詩村
近莫愁連竹塢人歌楚些下蘋州

京山縣

新市城在縣南三十里後漢書光武帝紀伯升於是
招新市平林兵注云新市縣屬江夏郡故城在今郢
州富水縣東北

富水廢縣在縣北七十里其地平坦可容千餘家隋
書地理志西魏改為富水又置富人郡開皇初郡廢
宋志併入京山縣

讀書臺郡志在子陵洞側相傳嚴子陵讀書處

武臺在縣北六十里枕山臨水相傳魏武習兵處

潛江縣

俞潭城在棠林岡俞潭舖漢關帝曾屯兵於此

白鶴樓在舊縣北元姚燧藏書之所白鶴巢其上因
名

沔陽州

復州城在州北二里唐置宋端平初徙治沔陽鎮即

今州

江北城宋乾德三年置玉沙縣有玉沙草堂

魚復城在州東五十里

石樓城在舊州城西十五里

青林城在州東十里

却月城在沔水口黃蓬山

沔陽廢縣故志楚王城元和志雲杜縣地圖經宋至

道二年省沔陽縣為鎮竝其地入玉沙

實香閣在州治宋韓通建後為湖山堂

雲章閣在州學

五樂臺在古州城東北相傳楚昭王遊獵之所

煙雨樓在州治宋郡守王知新有詩

望仙樓在州城上宋晏殊類要刺史鄭肇建

仰北樓在州北景泰中建

仁風樓在州子城上舊名漢江樓

讀書堂在州北紫極觀唐陸龜蒙讀書於此皮日休
詩既見陸夫子驚心却伏廐結彼世外交遇之於邈

迨

宣化堂在州學宋建

綠波亭在州城內宋建

延賓亭在州東宋建

迎恩亭在州東門外紅花隄上宣德三年建

南亭在州南門外又有北亭在州之北西亭在羅城外

范溉市在州西四十里濱漢江相傳晉鄭交甫遇神

女解珮於此

大隱林 小隱林在州南相傳屈原遇漁父處

天門縣

風城在縣五華山古風氏國相傳伏羲之後封此

雲杜城在縣西北漢志縣屬江夏郡梁於此置沔陽郡舊志以巾口古鄖為雲杜

却月城江口相傳漢黃祖所守處

雲夢城明一統志在縣西即古雲夢澤地

笑城在縣東六十里相傳宋將畢再遇與金兵對壘

夜遁惟繫羊擊鼓金兵覺欲追不及為之大笑故名
散花臺在縣東南六里廣百餘丈嘗有異香散焉

夢野亭在縣治東南隅亭在臺上一目可盡雲夢之
野最為郡中勝處宋景祐中州守王琪建有記晏殊
宋祁吳育蘇紳石延年皆有詩張耒詩高覺巨楠壓
城闌平視如將七澤吞幾度春光招宋玉碧闌干外
獨消魂

鴻軒在縣北古城內宋張耒謫居日建其側植薔薇

後起倅黃州臨別題詩云單車又向黃州去風月相望一嘆嗟又在黃州云他年若問鴻軒人堂下薔薇應解語

珍珠坡在縣西五里土中有珠俗傳昔有賈人販珠覆舟於此頗著靈異鄉人立祠祀之一名覆船岡金雞塚在縣西十里高十餘丈相傳昔有金雞闔其上黃巢破郢復二郡欲癸之蛇蝎蝱蠱羣起傷人不可近遂止

荊門州

荊臺城在州東六十里隋書地理志梁置安居縣開
皇十八年改曰昭邱大業初又改曰荊臺尋廢入當
陽縣

基州城在內方山東北馬良口唐志武德四年置并
置章山縣七年州廢

春申君故宅州東二百里

子陵宅州北三十五里石板橋

讀書堂在州東山下宋孫何與弟僅讀書之所後相繼擢大魁政和間朱震與弟巽亦讀書於此

古塔在州東南一里東山隋智者禪師以其頂平號太平頂

當陽縣

麥城在縣東六十里相傳楚昭王所築關忠義為呂蒙所襲走麥城即此水經注沮水又東南逕驢城西磨城東又南逕麥城西昔關忠義詐降處

磨城在縣東四十里荊州記麥城東有驢城沮水西有磨城伍子胥造此二城以攻麥城諺云東驢西磨麥城自破

麋城明一統志在縣東南六十里地名八渠相傳蜀將麋芳所築

方城在縣東南一百六十里郭子儀築

仲宣樓即縣城樓水經注王粲登其東南隅臨漳水而賦之夾清漳之通浦倚曲沮之長流是也按今當

陽正在沮漳之間唐杜甫詩春風回首仲宣樓指此
乳窟在玉泉寺中有白蝙蝠大如鴉棲則倒懸飲乳
水李白有記又有仙人掌茶

鐵鼎形制奇古隋大業十一年鑄重三千觔

鐵塔高五丈餘宋嘉祐六年鑄重十萬餘觔俱在玉

泉寺

德安府

安陸縣

鄆子國元和郡縣志安州春秋鄆子國後為楚所滅
封鬬辛為鄆公即此

桓溫城在縣東十五里石子村

釣魚臺在縣西三十里石淙村唐郝處俊遺蹟

鳳凰臺在縣東唐羅隱詩昔年丹穴鳳翔集高臺端
浮雲樓在府治內鄭獬詩樓在浮雲縹緲間浮雲破
處見朱闌

毓秀閣縣西南三里

七相堂在縣東宋郡守陸世良建七相者唐郝處俊
宋張齊賢寇準宋庠呂大防范純仁蔡確

黃堂在府治內宋神宗潛邸建為節度府今八郭尚
存滕甫記踞紫金之秀面白玉之奇湏溪鳳臺如拱
如揖

五桂堂在縣西宋元豐中范愉為安州掌書記官舍
西有桂甚茂後其子致君致明致虛致祥致厚相繼
登第因建五桂堂周必大作記

跨鰲堂在縣北二十里宋鄭昂記平沙迴岸縈帶城郭商帆漁舟出沒煙波楚國山水之觀未有以易此者也李揖有詩

范公亭在府治中宋呂大防謫居時建名呂公亭後范致堯再寓此讀書改名

車蓋亭在縣西北魏文帝詩西北有浮雲亭亭如車蓋亭以此名

司馬書室即曬書臺相傳溫公曬書於此

錦標坊在縣西宋庠家祁居此

雲夢縣

楚王城在縣東左傳定公四年吳入郢楚昭王奔鄖
築此城以自保

江夏郡城在縣城北一十四里按宋書地理志江夏郡
治安陸後移夏口

廢西陵縣在縣境內西漢地理志江夏西陵縣有雲
夢宮則雲夢即西陵縣地而雲夢宮疑在此

越王臺相傳越王所築

於菟鄉在縣北史記楚令尹子文生時父母棄夢澤中有虎乳之楚人謂虎為於菟鄉以此名

應城縣

蒲騷城在縣北三十里左傳莫敖狃於蒲騷之役鄢人軍於蒲騷即此後魏於此置浮城縣隋廢

廢城陽郡在縣西隋書地理志西魏置開皇初廢鐵牛壩在縣西南二里舊有鐵牛鎮水不知何代鑄

今沒

隨州

楚子城在州城東南三十里故光化縣之北春秋桓公八年楚子會諸侯于沈鹿黃隨不會使薳章讓黃楚子伐隨軍于漢淮之間因築城以逼隨故號楚子城平林城在州東北八十里後漢書王莽末關東平林人陳牧廖堪起兵號平林兵注地名在今隨州隨縣東北

清暑閣在子城西南

餐霞閣在州西

隨侯臺在州北八里寰宇記隨侯放彈之所

讀書臺在州東晉張衡讀書處

漢東樓即今南門樓唐李白詩彼美漢東國川藏明月輝

白雲樓在州西宋邢居實有賦元劉秉忠有詩

尹公亭在州東宋曾鞏記慶厯之間起居舍人直龍

圖閣河南尹公洙以不為在勢者所容謫是州居於城東五里開元佛寺之金燈院嘗於其居之北阜竹柏之間結茅為亭歲餘乃去既去而人不忍廢壞輒理之因名曰尹公之亭州從事謝景平刻石紀其事

湏陰亭在州西宋張商英有詩

漢東館在州東

隋文帝宅在龍居山文帝微時所居

犬塚州東一百八十里昔光武被兵甚急一犬引入

土窖跑土封之力盡而斃光武得脫乃瘞故名

應山縣

雲公城在縣東七里

應州城在縣東禮山下隋書地理志梁置永陽縣及
此州大業初州廢

廢平靖郡在縣西隋書地理志平靖郡西魏置又置
縣大業初省入

廢吉陽縣元和郡縣志木漢安陸縣地梁於此置平

陽縣西魏改京池縣隋改吉陽縣宋廢

四賢堂縣治西南繪二宋二連像祀之宋郊宋祁連
庶連庠也張表有記

王世則故居在縣西世則廣西臨桂人寓居於此宋
太平興國八年進士第一自是宋庠鄭獬相繼大魁
鄭宅亦在縣北一百二十里

荊州府

江陵縣

郢城在縣東北三里即楚舊都楚文王自丹陽遷此
未有城左傳子囊還自伐吳疾將死遺言謂子庚必
城郢及平王時遂城之元志又云郢城在安陸州蓋
安陸乃楚之郊郢左傳鬬廉謂屈瑕曰君次於郊郢
以禦四邑是也

紀南城在縣北十里史記注楚都於郢今江陵縣北
紀南城是至平王更城郢在江陵東北故郢城是荆
州記昭王十年吳通漳水灌紀南入赤湖進灌郢城

遂破楚則郢與紀實為二城

郢城在縣南二百里楚昭王封郢公所築今松滋之
楚城亦號郢城

赤湖城在郡西北十里紀南城與郢城之間

馬牧城在府城南即馬牧口梁元帝賦荆榛生於龍
門之下狐兔穴於馬牧之旁

冶父城水經注三湖合為一水東通荒谷東岸有冶
父城左傳莫敖縊於荒谷羣帥囚於冶父今疆理未

可詳考

蚌城在馬牧城東三里燕尾洲上相傳三國時蜀築以防吳魏

江陵城即府城水經注江陵舊城關忠義所築忠義北圍曹仁呂蒙襲而拒之關公曰此城吾所築不可攻也乃引退

萬城在府城西俗謂之方萬城左傳方城以為城古本作方蓋萬字也唐勒奏士論楚世霸南土自越以

至葉境弘萬里故號萬城水經注楚盛周衰欲爭強
列國多築列城於北方因號葉城為方城此土方城
殆後人沿襲而名郡志以為宋趙葵避父諱始改方
為萬失之矣

子城高氏南城也在府城西隅倪福可所築五代史
江陵當唐之末為諸道所侵兵火之後井邑凋零高
季興招集人士大築重城民苦其役明初湘獻王封
此號湘城未幾國除天啓丁卯惠王至又曰惠城

沙市城在縣東南十五里相傳為楚故城元末增築
舊址尚存

俞潭城在府東北七十里翼城左右大塚對峙狀如
偃月一曰偃月城

句亶王國史記熊渠立其長子康為句亶王張瑩注
今江陵地

夏州在中夏口上檣杙史莊王滅陳僂夏徵舒鄉取
一人焉以歸謂之夏州蘇秦曰楚東有夏州梁元帝

賦分沙羨而啓鎮即開藩於夏州

安興縣唐貞觀中省入江陵今尚有安興橋沿故名
也橋之水曰安興港港近市曰城河口皆以舊縣得
名

中興縣在鶴穴北地名赤岸元時置縣於此明初廢
長林縣本漢江陵地晉安帝分置以地有櫟林長坂
也洪武九年省入荊門又唐上元元年置長林與江
陵分治郭內今廢

渚宮在江陵故城東南水經注左傳子革曰我先君僻處荆山以供禦王事遂遷紀郢今城楚船官地也春秋之渚宮矣按梁元帝即位於楚宮即此

萬卷閣在縣東宋史咸平初朱昂與弟協致仕於所居建閣藏其手抄古今書萬卷故名

釣臺在縣西南水經注龍陂北有楚莊王釣臺高三丈四尺南北六丈東西九丈

清暑臺水經注赤湖東有大臺高六丈餘縱廣八丈

玉宇層明通望周博遊者登之以暢遠情

天井臺荊州圖記縣東有天井臺飛軒光映背邑面河實遊憩之佳處也

章華臺有二一在縣城外沙市一在監利縣東北國語楚靈王為章華之臺與伍舉登焉即此其在監利者又名三休臺賈誼新書翟王使使至楚楚王誇之饗於章華之臺三休乃至臺名三休疑取諸此唐胡曾有詩

絳帳臺在縣西南漢馬融教授之所

落帽臺在龍山後人因孟嘉落帽築臺其上唐李羣玉詩落帽臺邊菊半黃行人惆悵對重陽

梁家臺在縣東四十里上舊有百花亭

棲霞樓荊州記江陵城西百餘步有棲霞樓宋臨川王義慶置水經注棲霞樓俯臨通隍吐納江流

仲宣樓在城東先賢傳云荊州有王粲宅

曲江樓在府學前舊名南樓唐長史張九齡嘗登樓

賦詩宋張栻重建因易今名朱文公有記

雄楚樓五代時高氏內城樓也今城雖遷改而名仍存按唐江陵節度陽城郡王新樓成杜甫為賦二詩其一云西北樓成雄楚都後人蓋因此立名

明月樓城東北隅

博古堂在草市姓譚宋燕人田偉歸朝授江陵尉因家焉建此堂藏書三萬七千卷無重複者

羅含宅在城內今承天寺即其故址庾信亦居之唐

杜甫詩庾信羅含俱有宅春來秋去落誰家按李義
山詩却將宋玉臨江宅異代仍教庾信居宋玉宅亦
在此

段文昌宅錄異記文昌負才傲俗落拓荆楚間江陵
家側有大宅門枕流渠文昌醉於渠上脫履濯足自
言我作江陵節度必買此宅門者皆笑其後果鎮荆
南遂買此宅

胡安國宅在縣北新店子孫世居之

老萊子里在城西

忠臣里 孝子巷俱在沙市

草市古東關也

蒲胥市故南齊校尉府左傳車及於蒲胥之市疑即此

沙頭古江津也一曰沙市

石函鐵契昔荊州掘地得石函鐵契云楚都郢邑代無絕

馬頭在南城水經注昔陸抗屯此與羊祜相對

鍾離山石穴在縣西南後漢書巴蠻有五姓皆出於
武落鍾離山其山有赤黑二穴巴氏之子生於赤穴
四姓之子皆生黑穴未有君長俱事鬼神乃共擲劍
於石穴約能中者奉以為君巴氏子務相獨中之衆
皆服因共立是為廩君

息壤山海經鯀竊帝之息壤以湮洪水溟洪錄云江
陵府南門有息壤唐元和中裴宇收荊州掘地得一

石其狀與江陵城同徑六尺八寸徙築之是年霖雨不止復埋此石乃止

海墮在城東北江陵以水為險陸抗築大堰高保融名為北海宋孝宗時知府吳玠劉甲皆修築之宋史孟珙傳淳祐二年珙知江陵府修復內隘十一別作十隘於外又障沮漳水而東之遶城北入漢三海遂通為一渺然巨浸又為八墮蓄泄水勢金人嘗犯荆門州距江陵纔百里而去以有三海之險故也

地肺郡志在荊州濟江西岸洪潦常浮不沒故云地肺

公安縣

孱陵城在縣東三十里前漢置縣於此水經注孫夫人權妹也又更修之隋書地理志開皇九年省孱陵永安二縣入公安今油江口遺址猶存

古城在舊縣南十五里大光村

呂蒙城在縣北三十里唐杜甫詩野曠呂蒙營山深蜀

帝城寒天催日短風浪與雲平

先主營在縣東北九十里油河口板橋一帶荒丘頽
壘溪流宛轉即其故址地多美箭佳樹郊遊稱最勝
萊公竹宋史寇準傳準貶雷州卒歸葬西京道出公
安邑人皆設祭哭於路折竹植地挂紙錢逾月枯竹
盡生筍

呂仙亭在縣東北九十里當斗湖勝處相傳呂仙曾
遊此後人追而亭之

仙女臺距呂仙亭半里許相傳洞賓度一女子於此
今大光村有仙女堆禱雨輒應

荷葉山房在縣南三十里袁宗道兄弟讀書處入門
老松數十株高古入畫澗水出其下曰松風澗跨以
木橋古槐壓澗生蔭可十餘丈其下為臺曰清蔭臺
黃山蔥然一點在望渡澗而北為荷葉山蜿蜒皆土
嶺遠見澧陽諸山及谷昇一帶湖水浩淼晶瑩搖蕩
曉日山中古松千本翠蓋如雲大者可三人圍山前

有池濶可四十餘畝曰荷葉池經兵火後村落林木
毀伐殆盡獨此地巋然如舊

龍塙縣東四里

鼉穴在廖解村三國孫亮時有靈鼉鳴此其穴也

石首縣

土城壕縣西三十里漢昭烈曾於此屯兵基址尚存
繫馬臺在縣南八十里相傳岳飛討楊么繫馬於此
調絃亭在縣東六十里相傳伯牙鼓琴於此

麒麟塚在縣西白楊鋪舊有麒麟產此人以為怪撲而瘞之因名

監利縣

華容城在縣東漢志華容縣屬南郡注今監利縣即其地

監利故城在上坊東村今曰舊縣

成都王國水經注晉永嘉中西蜀阻亂割華容江陵監利豐都四縣為成都王潁國

荆臺在縣西三十里土洲南孔子家語楚王遊荆臺
即此

申包胥舊臺在北門外

濯纓臺在縣北七十里舊志屈原濯纓處

伍員宅在縣西北中有倒挿槐員奔吳時所挿

松滋縣

鄖城楚昭王時鄖公築

諸葛城孔明築

樂鄉城在縣東七十里即陸抗與羊祜對壘處

上明城水經注晉太元中苻堅寇荊州刺史桓冲徙渡江南劉波築之移州治城也

南極亭在縣東三十里舊名江亭唐杜甫有詩

一柱觀在縣東邱家湖中渚宮故事劉宋臨川王義慶在鎮於羅公洲立觀甚大而惟一柱梁劉孝綽詩經從一柱觀出入三休臺唐杜甫詩孤城一柱觀落月九江秋

枝江縣

庾臺在百里洲北岸六十里世傳庾亮講經處一名講經臺又江陵縣有庾信臺

夷陵州

臨江城在州南二十里水經注魏武分南郡置臨江郡即此後周置臨州隋州郡俱廢

步騭城 步闡城俱在下牢溪前

宜都城晉書地理志吳置晉於此置郡唐為縣後廢

劉封城在三遊洞頂

陸抗城在州西五里赤溪其址尚存荊州圖記夷陵縣南對岸有陸抗故城周迴十里三百四十步即山為壙四面天險

陸法和城在峽口

安蜀城陳宣帝征江陵後周軍於峽口築壘以備陳名安蜀城

夷陵故城唐書地理志本治下牢戌貞觀九年徙治

步闡壘後宋建炎中徙治石鼻山紹興中復舊端平
初徙治江南元復徙於江北即此

爾雅臺在州北郭璞註爾雅之所後人祀之祠廢址
存

楚塞樓在州後宋寇準詩道路連巴塞風煙接此丘
許自誠詩雄當蜀道三千里魏壓荆南十五州

絳雪堂在楚塞樓前宋知州朱慶基會飲紅梨花下
命坐客賦詩歐陽修詩風輕絳雪搏前舞日暖繁香

露下聞因名其堂曰絳雪

六一堂在州治後宋歐陽修號六一居士有碑記今
移州學

至喜亭在州南宋守朱慶基建歐陽修記夷陵州當
峽口江出峽始漫為平流舟人至此必漉酒再拜相
慶以為更生朱因作至喜亭於下津以為舟行者留
停之處

來豐亭在楚塞樓後宋朱慶基為郡歲屬大豐人作

亭以志之

四賢堂州治東祀歐陽修二蘇黃庭堅

黃金藏州故有寶軸祕函藏崖竇中宋陳膺訪故老
謂崖書皆金版陳得一書以歸乃古易傳其書但曰
易無周字經文與今絕異

武侯遺筆書忠孝廉節四字

宜都縣

夷道城漢志縣屬南郡晉志屬宜都郡唐廢水經注

宜都郡治在夷道縣東四百步吳丞相陸遜所築也
宜都記按陸遜所築為宜都故城則夷道又自為一
城矣

鼓城在虎腦背濱江相傳張飛舊蹟

吳相臺在縣西三里吳相陸遜領兵屯此因名

望亭水經注夷道城東北有望亭地特峻下臨亦遊
矚之名處也

合江亭在縣城東清江自恩施縣至宜都城北更寬

一望澄碧迥異他水稍過城東併入大江即無此色
矣元縣尹譚文德登覽二水合流因建此亭

遠安縣

南襄城在縣北九十里漢關忠義屯兵處

高安故城晉邑名在亭子山高處後周遷於山下以
其近徭而遠故名遠安

石馬槽在縣東三十里漢關忠義屯兵於此鑿石為
槽故名

襄陽府

襄陽縣

樊城縣北漢江上與襄陽對峙水經注樊仲山甫所封也關忠義園于禁於此城西魏立安養縣唐改為臨漢縣

鄧城在縣東北二十里本春秋鄧國地水經注縣故鄧侯吾離之國也楚文王滅之秦以為縣晉書地理志鄧城縣屬襄陽郡隋志為襄陽安養二縣地唐志

貞元中改臨漢縣又改鄧城縣宋志廢入襄陽其傍近又有牛首安陽古城紅崖白河沙河漁蘭新城淳河滾河十城宋末元兵圍襄陽築此於要津以絕其援故址尚存

鄧城在鄧城南八里水經注古鄧子國蓋鄧之南鄙也左傳桓九年楚師圍鄧即此

夫人城在縣西北晉書朱序傳序鎮襄陽苻堅遣將攻城序母韓謂城西北角必先受敵領百餘婢并城

中婦女於其角築城二十餘丈賊攻西北角果潰移
守新城賊遂引退因名夫人城

大隄城在縣城外宋曾鞏記宋孝武帝永初元年築
宜城之大隄為城今縣治是也唐李白大隄曲漢水
橫襄陽花開大隄暖劉禹錫詩酒旗相望大隄頭隄
下連牆隄上樓

牽羊壇在縣城中舊傳刺史初至必牽一羊詣壇遶
之以其所遶之數驗治州之年多寡晉文帝為刺史

羊行六次不止果八年

愛峴閣在縣北二十里水經注沔水南有層臺號曰
景升臺劉表治襄陽之所築也言表盛遊於此常所
止憩表好鷹鳴嘗登此臺歌野鷹來曲其聲韻似孟
連上堵吟矣宋蘇軾詩莫上呼鷹臺平生笑劉表李
易詩呼鷹復何用卧龍獨不顧

劉琦臺在縣東二里即劉表子琦與諸葛亮謀自安
計登樓去梯處

文選樓在縣東南昭明臺上襄陽記襄陽有文選樓
金城內刺史院有高齋昭明太子於此齋造文選南
史庾肩吾初為晉安王國常侍每徙鎮肩吾常隨在
雍州被命與徐防江伯操孔敬通惠子悅徐陵王囿
孔鑠鮑至等十餘人抄撰衆書號高齋學士明末樓
燬

皇清順治初都御史趙兆麟重建仍名古昭明臺有記
山南東道樓在舊府治有唐李陽冰篆山南東道四

大字并碑丈宋端平間襄陽失守碑蕪沒淳祐間高達復襄之後程士元復創層樓下跨市路南觀羣山北望中原為一郡之勝

南平樓在縣治前元守帥楊珪建姚燧為之名

獅子樓在縣西南洪武初建繪獅子於上以鎮楚山故名後燬今置石獅於上作亭覆焉

學業堂在縣南舊傳諸葛亮讀書之所

樂善堂在縣城梁簡文為晉安王鎮襄州日畫前刺

史李陽等十三人像於堂故名

光祿堂在縣南宋史中輝以光祿卿守襄陽時建故名

雄覽堂在府治宋建又有雅歌籌邊二堂亦在焉

峴山亭在峴山上宋歐陽修記以為羊叔子之所遊止也熙寧元年史中輝因亭之舊廣而新之

聞喜亭在縣南三里唐太守裴坦建趙璘撰記

望海亭在縣南卧龍山上唐李紳詩湖月上時看雁

滿海濤生處辨雲齊

漢廣亭在縣南羣山環繞漢水映帶平陸萬里使人感慨一名北顧亭唐徐商建李隲記

湧月亭在城南峴山

漁樂亭在城南竹柳陰森清流貫其間

張柬之園在縣南五里園址尚存

龐德公宅在峴山南廣昌里水經注龐德公所居在南白沙世故謂是地為白沙曲矣士元居漢之陰司

馬德操宅洲之陽望衡對宇懽情自接泛舟褰裳率爾休暢

諸葛亮宅在縣西二十里南雍州記隆中諸葛亮故宅有舊井一今涸無水盛弘之記云井深五丈廣五尺堂前有二間屋地基極高云是孔明避暑臺宅面山臨水孔明嘗登之鼓琴以為梁甫吟因名此為樂山舊志載因昭烈三顧草廬有三顧門

宋孝武宅明一統志在縣東南馬鞍山劉宋孝武帝

所生處

孟浩然故居在縣東南鹿門山浩然嘗自賦詩云山
水觀形勢襄陽美會稽唐白居易詩南歷鹿門山靄
若有餘香舊隱不知處雲深樹蒼蒼

銅鞮坊在縣山南東道樓左楚人好唱白銅鞮詞因
以名坊李太白詩襄陽行樂處歌舞白銅鞮江城迴
綠水花月使人迷宋查道詩白銅鞮側花迷塢解珮
江邊柳拂青

冠蓋里在縣治南水經注縣有太山山下有廟漢末
多士其中刺史二千石卿長數十人朱軒華蓋同會
於廟下荊州刺史行部見之雅嘆其盛號為冠蓋里
而刻石銘之此碑於永嘉中為人所毀唐杜審言詩
冠蓋非新里章華即舊臺習池風景異歸路滿塵埃
杜甫故里甫迴棹詩云清思漢水上涼意峴山巔吾
家碑不昧王氏井依然

桃林在縣南六里晉桓冲北伐屯軍於此是時食桃

至春其核萌生遂成茂林按荊州圖副襄陽縣南有
桃林館是餞行送歸之所萃也疑即此處

墮淚碑在縣東九里晉書羊祜傳祜鎮襄陽有功德
於人百姓於峴山祜平生游憩之所建碑立廟歲時
饗祭焉望其碑者莫不流涕杜預因名墮淚碑唐李
白詩空思羊叔子墮淚峴山頭賈島詩若肯登高峴
看碑定淚流

宜城縣

楚王城括地志楚昭王故城在襄州樂鄉縣東北三十三里

羅州城在縣西水經注故羅國地

故襄城在縣南十五里即古鄆子城

宜城故城在縣南九里本楚鄆縣漢志惠帝三年改曰宜城屬南郡其地出美酒張華輕薄篇云蒼梧竹葉宜城九醞梁元帝詩宜城醞酒今朝熟停鞍繫馬暫棲宿

觀林城在縣南五十五里地名王城港城蹟猶存

黎丘城在縣東漢志卽縣下有此城水經注其城下對繕洲秦豐居之故更名秦洲王莽之敗也秦豐阻兵於黎丘城在觀城西二里建武三年光武遣征南岑彭擊豐二年朱祐自觀城淪豐于黎丘是也

烏耳城在縣北四十五里

楚王宮見韓昌黎宜城驛記

宋玉宅在縣南三十里宋玉墓之南

王逸宅在故宜城西北二十里

杜康臺在縣東杜康造酒於此

木香村地志在縣西六十里唐段成式別業

善謔驛在縣北史記齊使淳于髡獻鵠於楚王至此
地放其鵠乃揭空籠往見王曰臣不忍鵠渴出而飲
之俄飛去吾欲死恐人議王以鳥獸之故令士自殺
買而代之是欺吾王也楚王曰齊有信臣若此乃厚
賜而歸

破河腦在縣南四十里楚平王墓石子湖水中即子胥鞭尸處

南漳縣

中廬城在縣南襄陽耆舊傳本廬戎也漢為縣東漢時為侯國隋改曰次廬宋省入南漳縣今城址在南漳縣東五十里

羅國城縣東南八十里春秋楚使莫敖伐羅即此後羅國徙枝江

山都城在中廬鎮秦置東漢為侯國

臨沮城在縣境前漢志屬南郡東漢志為侯國晉志屬襄陽郡

分經臺在明教寺梁昭明太子同隱士劉虬法慧註經之所

御書閣在縣學內貯御書

刻木谷在縣南十五里漢孝子丁蘭所居

棗陽縣

春陵城在縣西三十里東觀漢記元朔五年以零陵
率道春陵鄉封長沙王子買為春陵侯至戴侯仁請
徙南陽元帝時乃徙蔡陽白水鄉為春陵望氣者蘇
伯阿見春陵城嘆曰氣佳哉鬱鬱葱葱及光武即位
改曰章陵蔡陽漢為南陽郡今屬棗陽

岑彭城在縣東北三十里漢岑彭牧馬處

南陽城在縣東南三十二里舊傳晉司馬周侶所築
卧牛臺縣境漢光武嘗騎青牛於此

夕陽館在縣東唐孟浩然詩聽歌知近楚投館忽如
歸魚堰田疇廣章陵氣象微

廣昌館在縣北唐韓愈詩白水龍飛度幾春偶逢遺
蹟問行人邱墳發掘當官道何處南陽有近親

漢光武宅在縣東南宅南有白水東觀漢記建武十
七年幸春陵修園廟舊宅田里舍因置酒於舊宅大
會父老故人即此

穀城縣

洛陽城在縣東十三里不知何時築址尚存

穀城在縣西北五里盛弘之荊州記樊城西北有鄢
城西百餘里有穀城穀伯綏之國城門有石人刊其
腹云摩兜韃摩兜韃慎莫言此亦周太史廟金人緘
口銘背之流也

陰城在縣北左傳遷陰於下陰即此漢為陰縣屬南
陽郡西魏改曰陰城縣今城存

延岑城在縣西南八里岑漢南陽人起兵武當於此

築城

張飛城在縣西南五里相傳張飛築址存

廢筑陽縣在縣東四里漢為縣漢書蕭何之子封筑陽侯即此梁置郡隋廢郡改縣曰穀城

廢乾德縣在縣治宋史地理志分穀城置此縣後改為光化縣

光化縣

鄧城在縣東北漢江上秦為鄧縣漢書蕭何封此梁

立鄮城郡後周廢入陰城

順陽王城固封山下

空城在縣北五里

古城在縣東北三十里基地尚存

古陰城即陰城鎮為北集街明萬厯間遷城改為西
集街

霽景樓在舊縣前宋李易詩層樓壓清漢初上便忘
歸夕靄藏平野晴烟漏翠微

均州

三王城在州前漢末王莽支庶王康王常王鳳三人各築一城故名

濮王宮在州內今報恩寺即其地

飛昇臺真武飛昇之所明方升太嶽記從大殿後西望捨身崖空懸若垂天之翼狀甚可怖其上為飛昇臺元帝改服於此

元始臺 禮斗臺以上三臺俱在太和三

宗海樓在州東一里宋陸愷記下臨清漢江山映帶
景物之變無窮

太和樓在州城上面太和峯為一州壯觀

紫雲亭州志在淨樂宮內宋晁端夫云面迎武當之
疊嶂左瞰漢江之巨浸明永樂十七年奉勅重建太
嶽記淨樂宮左紫雲亭亭之制八稜其上去梁桷重
簷疊拱而旋結於頂如攬囊口圓起城中狀類垂蓋
江行者皆見之

望仙亭在州治內舊記西南紀勝之境

滄浪亭在州東北三里濱陽江

舜耕蹟在土陂窰子舖去州九里舜碣僅存螭首不知何代立

社柏樹水經注南陽武當有社柏樹大四十圍梁蕭欣為守伐之忽有一大蛇從樹中出羣蛇隨之入南山聲如風雨之撼樹人皆驚異舊治樹在州前

鄖陽府

鄖縣

濮王城在縣東一百二十里唐太宗第三子泰封此
梳粧臺在縣東六十里王震詩俗緣磨未盡空上傍
粧臺溪雲惹粉黛岩花寶靨開

鎮鄖樓在縣治前弘治中建初為譙樓正德中易今
名

葵履壇在縣西北百里龍山之頂昔有張黃二羽士
飛昇遺履而去後葵履於壇有二石道士侍立壇所

天馬山字在城南一里下臨漢江傳有白馬晝夜出
啣田稻土人逐之急即投崖下水中久之崖忽崩裂
如劈壁上有天馬山三字甚明馬不復見字至今存

房縣

廬陵王城在縣南門外唐中宗廢為廬陵王遷房州
時居此

廢永清縣在縣東一百一十里隋書地理志本曰大
洪後周改焉宋併入房陵

望花臺在縣治東

熙春樓在舊州圃

圍春堂在縣治後圃

梅來亭在縣北二十里今名至喜舖

尹吉甫宅在縣南去廬陵王城一里

忠孝里在縣內嘉靖中知縣夏維寧立坊名以邑有
吉甫之忠黃香之孝也

袁天綱蹟在縣東北百里高塚尚存林木森然

竹山縣

方城在縣東三十里古縣址存又名庸城山上平坦
四面險固圍護如城方輿勝覽山南有城周十餘里
春秋庸地楚使盧戢黎侵庸方城即此

秦城在縣南昔人濬塘掘地得石云秦白起伐楚屯
兵於此

子房城在縣南一百里無心者至之有丹爐鐵碁莫
可舉大竹二根垂葉掃地有心往謁即不見

廢上庸縣後漢書郡國志上庸本庸國屬漢中郡隋唐屬房州宋省入竹山

喜豐亭在縣東宋慶元間建

登爽亭在縣東宋姚叔勉詩有登臨安樂襟懷爽之句

學古洞在縣北七十里洞極幽邃其規制像學舍深澗容衆檯橙硯俱石相傳夫子適楚講學於此

鬼田在縣東二里有地二頃不生樹木惟有茅茨每歲

清明日祭而燎之預卜歲豐歉燎草盡即豐多驗

竹谿縣

白雲岩呂洞賓題詩劍畫尚在

北天斷劍縣西南三十里偏頭山上傳北帝飛昇於此至今斷劍猶存

鄆西縣

黃土城在縣東六十里隋書地理志西魏置濟陽郡後周置縣曰長岡後郡省置縣曰黃土郡志設縣時

掘地得斷碑上有登雲縣三字

去思亭明一統志在縣東南明知縣侯爵有善政去
後民思之立此亭

保康縣

九斤城在縣北五十里相傳昔人建城於此同器量
土秤之他土較重此土九斤以為風水輕故棄之遺
址尚存

直隸歸州

丹陽城在州東七里水經注城據山跨阜周八里二百八十步東北兩面悉臨絕澗西帶亭下溪南枕大江嶮峭壁立信天固也楚熊繹始封所都元和郡縣志周成王封楚熊繹於荊丹陽之地即此後又移枝江亦曰丹陽

夔子城在州東二十里春秋夔子之國水經江水又東南逕夔城南注熊摯始治巫城後移此春秋僖公二十六年楚令尹子玉城夔是也

高陽城在州境舊興山縣西楚自以為高陽之裔故名

蜀帝城水經注秭歸縣城東北依山即坂周迴二里高一丈五尺南臨大江古老相傳謂之蜀帝城蓋征吳所築也

歸州故城初在江北宋端平中徙治江南曲沱次徙新灘又徙白沙又徙南浦明初徙丹陽

清風閣晏殊類要在州城戟門東南

望高樓在州城南

灤西草堂在三閭鄉杜甫寓處

屈原宅荊州記縣北百里方七頃累石為基今名樂平宅其東北六十里有女嬃廟擣衣石猶存外傳云時當秋風夜雨之際砧聲隱隱可聽也

宋玉宅按水經注城南有宋玉宅玉邑人通志在歸州舊治東五里

三閭鄉在州東八十里屈原所居

昭君村在州東北四十里昭君名嬙郡人王穰女
玉米田在三閭鄉外傳云屈原蒙讒負譏遂放而耕
倚耒號泣於天時楚大荒原墮淚處獨產白米如玉
故名

插竈宜都記宜都山絕崖壁立數百丈有一火燼插
其崖間望可長數尺傳云堯洪水時人泊舟此旁爨
餘故曰插竈崖又云禹治水爨此所插

長陽縣

睦州城在縣東隋開皇中置尋廢

廩君土舟世本廩君名務相姓巴氏與樊氏暉氏相
氏鄭氏凡五姓皆爭事鬼神以土為船雕文畫之而
浮於水內約船浮者當以為君他姓船不能浮獨廩
君船浮因立以為君水經注昔廩君浮土舟於夷水
即猥山清江也今在長陽縣

仙人室在龍角山東北可容數百人相傳昔有仙人
憇此村人因採蜜見之俄失所在

興山縣

昭君臺在縣前南山之陽圖經在興州山南漢掖庭待詔王嬙字昭君南郡秭歸人邑人憫昭君不回立臺以祭今有昭君村

巴東縣

信陵城在縣西十五里隋書地理志歸鄉梁置信陵郡後周郡廢改曰樂鄉縣開皇末改巴東

樂鄉城縣治東後周置縣又有羅平城雙城新化城

土城

秋風亭在縣大江左宋寇準建蘇軾有詩

白雲亭在城內宋寇準建

萊公柏在縣庭前宋寇準為令手植二柏人比甘棠
蘇軾有詩

恩施縣

清江廢縣在縣東十里後周於此置清江郡隋初郡
廢置清江縣後廢

舊施州在城東十里城基碑碣尚存

鹽水廢縣在縣東四十里後周置并置資田郡隋初郡廢大業初以縣屬清江郡

廢亭州在縣東一百七十里後周置以都亭山為名隋并為庸州徙治鹽水縣

開夷廢縣距縣六十里後周置飛鳥縣隋初改曰開夷唐廢

恨山廢縣在縣西一百八十里

觀瀾臺在縣南石鐫觀瀾二字

白坡書室在縣南二十里鄧梗建

客星山房在縣西童泉讀書處

問月亭在城北有臺獨出碧波峯之中舊建亭於上

李白謫夜郎嘗過此酌月

施王屯在縣南二十五里廣興記州有施王餘址故以

為名

湖廣通志卷七十七